

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), člana 14. stav (6) Uredbe o načinu i kriterijima za pripremu, izradu i praćenje realizacije programa javnih investicija („Službene novine Federacije BiH“, broj: 106/14 i 27/19) i člana 1. Odluke Vlade Zeničko-dobojskog kantona o određivanju Ministarstva finansija Zeničko-dobojskog kantona, kao nadležnog kantonalnog organa za pripremu Programa javnih investicija Zeničko-dobojskog kantona („Službene novine Zeničko-dobojskog kantona“, broj: 20/19), na prijedlog Ministarstva finansija, Vlada Zeničko-dobojskog kantona, na 184. sjednici, održanoj dana 08.12.2022. godine, d o n o s i

ZAKLJUČAK

I.

Prima se na znanje Izvještaj o radu Komisije za Program javnih investicija Zeničko-dobojskog kantona, za period juli – decembar 2022. godine.

II.

Izvještaj iz tačke I. čini sastavni dio ovog zaključka.

III.

Zaključak stupa na snagu danom donošenja.

PREMIJER

Mirnes Bašić

Broj: 02- _____ /22

Datum, 08.12.2022. godine

Z e n i c a

DOSTAVLJENO:

1x Ministarstvo finansija,

1x Komisija za Program javnih investicija, putem Ministarstva,

1x a/a.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KOMISIJA ZA PROGRAM JAVNIH
INVESTICIJA ZENIČKO-DOBOJSKOG KANTONA**

PRIJEDLOG

**IZVJEŠTAJ
O RADU KOMISIJE
ZA PROGRAM JAVNIH INVESTICIJA
ZENIČKO-DOBOJSKOG KANTONA
ZA PERIOD JULI-DECEMBAR 2022. GODINE**

Zenica, decembar 2022.godine

Odredbama Zakona o budžetima u Federaciji BiH ("Službene novine Federacije BiH", broj: 102/13, 9/14, 13/14, 8/15, 91/15, 104/16, 5/18, 11/19, 99/19 i 25a/22), propisana je obaveza izrade i donošenja Programa javnih investicija u FBiH, pri čemu je propisano da kantoni donose svoj Program javnih investicija u koji su uključeni i projekti općina i gradova, a Uredbom o načinu i kriterijima za pripremu, izradu i praćenje realizacije Programa javnih investicija („Službene novine FBiH“, broj: 106/14 i 27/19), uređen je način i kriteriji za pripremu, izradu i praćenje realizacije programa javnih investicija u Federaciji Bosne i Hercegovine.

Program javnih investicija je trogodišnji dokument koji sadrži pregled ulaganja u projekte sa podacima o ukupno potrebnim i utrošenim sredstvima, te sredstvima planiranim za finansiranje projekata iz budžeta, kredita, donacija i/ili drugih izvora.

Program sadrži podatke o projektima po sektorima i podnosiocima prijedloga projekata, u trogodišnjem periodu prema principu 1+2.

Program obuhvata:

- projekte za čije finansiranje su, djelimično ili u potpunosti, osigurana sredstva postala efektivna i njihova realizacija je u toku (u daljem tekstu: projekti u implementaciji),
- projekte za čije finansiranje je pokrenut proces osiguranja sredstava (u daljem tekstu: odobreni projekti) i
- prioritetne projekte za koje nisu osigurani izvori finansiranja u momentu izrade programa javnih investicija (u daljem tekstu: kandidovani projekti).

Svrha donošenja Programa javnih investicija Zeničko-dobojskog kantona (u daljem tekstu: PJI Zeničko-dobojskog kantona) je da posluži Vladi Zeničko-dobojskog kantona kao osnov za bolje planiranje i upravljanje sredstvima razvoja, te stvaranje pretpostavki za pristup stranim izvorima finansiranja.

Međutim, Komisija ukazuje na slabosti u procesu planiranja projekata, te generalno nedovoljan broj razvojnih projekata. Naime, uspješno planiranje i programiranje razvoja uveliko ovisi od sposobnosti institucija da pripreme i ponude kvalitetne projekte, te osiguraju sredstva za njihovo realiziranje i da provedu projekte bitne za unapređenje kvalitete života građana. U situaciji kada kantonalni budžet nije u mogućnosti finansirati sve potrebne kapitalne investicije iz tekućih prihoda, izrada kvalitetnih razvojnih projekata postaje ključni faktor za osiguranje vanbudžetskih izvora finansiranja. Pored toga što je važno osigurati vanbudžetske izvore finansiranja, također, važno je i da osigurani izvori budu što povoljniji, pogotovo ako se radi o projektima veće vrijednosti.

Stoji i dalje preporuka Komisije da se sve institucije dodatno angažuju na planiranju projekata za koje se mogu dobiti što povoljnija finansijska sredstva i privući potencijalni investitori. Pored navedenog, imajući u vidu aktuelno pitanje eurointegracija, jačanje kapaciteta institucija za izradu razvojnih projekata dodatno dobija na značaju jer oni postaju osnova za izradu godišnjih akcionih dokumenata i trogodišnjih sektorskih planskih dokumenata u kontekstu IPA III programskog perioda 2021-2027. godine. Unapređenjem kapaciteta za upravljanje projektima povećat će se mogućnost za bolje korištenje sredstava koja će biti na raspolaganju.

Komisija za Program javnih investicija Zeničko-dobojskog kanton se pravovremeno uključila u ove aktivnosti kako bi se osigurao harmoniziran pristup definisanju projektnih prioriteta.

Time se navedeni projekti nameću kao neizostavan dio sveukupnog procesa upravljanja javnim investicijama, s jedne strane, i procesa planiranja i upravljanja razvojem, s druge strane. Postojanje kvalitetnih projekata je preduslov za izradu programa javnih

investicija čija je osnovna svrha da poveže razvojne projekte sa realnim izvorima finansiranja. Efikasno upravljanje projektima povećava transparentnost i kontrolu trošenja bužetskih sredstava, doprinosi privlačenju stranih i domaćih investicija, povećava apsorpcije finansijskih sredstava koja su na raspolaganju, osigurava planiranje i upravljanje razvojem.

Dugoročni cilj je povezivanje PJI Zeničko-dobojskog kantona sa procesom strateškog planiranja i budžetiranja, samim tim što se u skladu sa Uredbom o trogodišnjem i godišnjem planiranju rada, monitoringu i izvještavanju u F BiH („Službene novine F BiH“, broj: 74/19 i 2/21) u izradi prijedloga prioriteta budžetskih korisnika za DOB i PJI koriste podaci o aktivnostima/projektima sa iznosima planiranih finansijskih sredstava iz radne verzije trogodišnjeg plana rada, a proces izrade trogodišnjeg plana rada je usklađen sa procesom izrade DOB-a i PJI i međusobno se nadopunjuju.

Projekti uključeni u PJI Zeničko-dobojskog kantona stavljaju se u funkciju ostvarivanja sektorskih politika i strateških ciljeva definisanih u okviru nadležnosti Vlade Zeničko-dobojskog kantona planiranjem kroz proces izrade Dokumenta okvirnog budžeta, te mobilizacijom i korištenjem sredstava za njihovu realizaciju.

Kako se PJI Zeničko-dobojskog kantona, pored kandidovanih prioriternih projekata sastoji i od projekata u implementaciji, PJI Zeničko-dobojskog kantona služi i kao osnova za analizu javnih investicija.

Kao takav PJI Zeničko-dobojskog kantona, za Vladu Zeničko-dobojskog kantona treba postati sredstvo za upravljanje razvojem i podizanje efikasnosti javnih investicija u Zeničko-dobojskom kantonu, te osnova za planiranje ulaganja i donošenja investicionih odluka.

U članu 30. Zakona o budžetima u Federaciji BiH je precizno definisan kalendar prema kojem se priprema i donosi Program javnih investicija, u skladu sa kojim kantoni dostavljaju Ministarstvu finansija FBiH Nacrt svog Programa javnih investicija do 1. juna, a Program javnih investicija, nakon što ga donese Vlada Kantona do 5. oktobra.

Na osnovu Zakona o budžetima u Federaciji BiH, donesena je Uredba o načinu i kriterijima za pripremu, izradu i praćenje realizacije Programa javnih investicija („Službene novine FBiH“, broj: 106/14 i 27/19), kojom se preciznije uređuju način i kriteriji za pripremu, izradu i praćenje realizacije Programa javnih investicija i kojom je uveden **pojam PIMIS (informacioni sistem za upravljanje javnim investicijama uvezan između različitih nivoa vlasti)**.

Vlada Zeničko-dobojskog kantona je Odlukom o određivanju nadležnog kantonalnog organa za pripremu Programa javnih investicija Zeničko-dobojskog kantona („Službene novine Zeničko-dobojskog kantona“, broj 20/19), odredila Ministarstvo finansija kao nadležni kantonalni organ za pripremu Programa javnih investicija Zeničko-dobojskog kantona, u koji su uključeni i projekti gradova i općina sa područja Zeničko-dobojskog kantona.

U skladu sa članom 7. stav (5), te članom 10. stav (1) Uredbe o načinu i kriterijima za pripremu, izradu i praćenje realizacije programa javnih investicija, propisano je da podatke o investicionim projektima u PIMIS unosi kantonalni koordinator ovlašten za unos IP obrazaca, za šta kantonalni koordinator posjeduje odgovarajuće pristupne podatke i autorizacije.

Nakon unosa, isti se štampaju i u skladu sa ovlaštenjem kantonalnog koordinatora vraćaju podnosiocima na verifikaciju, te uz IP obrazac kantonalni koordinator Nadležnom kantonalnom organu dostavlja i Obrazac za ocjenu prijedloga projekta.

Naime, Program javnih investicija se priprema i donosi svake godine prema kalendaru utvrđenom Zakonom i Uredbom, tj. do 1. juna je potrebno da Kanton, putem Nadležnog kantonalnog organa (Ministarstva finansija ZDK), Ministarstvu finansija FBiH dostavi Nacrt Programa javnih investicija.

Uredbom o načinu i kriterijima za pripremu, izradu i praćenje realizacije Programa javnih investicija, kao nosioci aktivnosti u procesu izrade Programa javnih investicija kantona

utvrđeni su: Vlada Kantona, nadležni kantonalni organ, Komisija za PJI kantona, kantonalni organi uprave (kantonalna ministarstva i kantonalne uprave), jedinice lokalne samouprave (gradovi i općine), agencije, samostalne upravne organizacije, specijalizirane organizacije i posebna tijela (zavodi, direkcije, agencije, instituti i sl.) i javna preduzeća.

Da bi projekat bio kandidovan u PJI, uz kriterij kvalitete mora se zadovoljiti i kriterij minimalne vrijednosti. Minimalna ukupna vrijednost projekta koji se kandiduje u PJI Federacije BiH je 1.000.000 KM. Ukupna vrijednost projekta definiranog na kantonalnom nivou koji se kandiduje u PJI kantona mora iznositi najmanje 500.000 KM, dok minimalna ukupna vrijednost projekta definiranog na gradskom ili općinskom nivou koji se kandiduje u PJI kantona iznosi 100.000 KM.

Budžetskim sredstvima ili zaduživanjem može se finansirati samo onaj projekat koji je uvršten u PJI, uz izuzetak projekata koji služe ublažavanju posljedica izazvanih nastankom vanrednih i nepredvidivih događaja (elementarne nepogode, vanjski šokovi ili krize).

Uvrštavanje pojedinih projekata u Program javnih investicija Zeničko-dobojskog kantona ne predstavlja garanciju i za dodjelu sredstava iz Budžeta Zeničko-dobojskog kantona.

Svi potpuni projektni prijedlozi koji zadovoljavaju minimalne kvalifikacijske kriterije, između ostalih i kriterij „Relevantnost - Usklađenost s ciljevima iz strateških dokumenata“, prolaze postupak bodovanja i rangiranja koje vrši Komisija i uključuju se u PJI Zeničko-dobojskog kantona.

Projekti u implementaciji finansiraju se domaćim i ino sredstvima, kako slijedi:

- Domaća sredstva su budžetska sredstva namijenjena za finansiranje javnih investicija i sufinansiranje projekata finansiranih iz kredita i donacija, sredstva institucija BiH, Federacije BiH, kantona, gradova, općina, javnih preduzeća, fondova, domaćih banaka i krajnjih korisnika za finansiranje/sufinansiranje projekata;

- Ino sredstva su krediti ili donacije međunarodnih finansijskih institucija (Svjetska banka, Međunarodna banka za obnovu i razvoj, Evropska investiciona banka, Evropska banka za obnovu i razvoj, Razvojna banka Vijeća Evrope, Međunarodni fond za poljoprivredni razvoj), Evropske komisije, vlade pojedinih zemalja, te bilateralnih i drugih donatora.

U skladu sa odredbama člana 14. stav (6) Uredbe o načinu i kriterijima za pripremu, izradu i praćenje realizacije programa javnih investicija ("Službene novine Federacije BiH", broj: 106/14 i 27/19) i tačke IV. stav 3. Rješenja Vlade Zeničko-dobojskog kantona o imenovanju Komisije za Program javnih investicija Zeničko-dobojskog kantona („Službene novine Zeničko-dobojskog kantona“, broj: 1/20 i 8/21), obaveza Komisije za Program javnih investicija Zeničko-dobojskog kantona je da o svome radu polugodišnje izvještava Vladu Zeničko-dobojskog kantona.

U izvještajnom periodu VII-XII 2022. godine, Komisija je održala dvije sjednice šestu i sedmu), koje su obrađene u narednom dijelu izvještaja.

Šesta sjednica Komisija održana je dana 16.08.2022. godine u prostorijama Ministarstva finansija Zeničko-dobojskog kantona.

Sjednici su prisustvovali slijedeći članovi Komisije: Nada Delibašić predsjednik Komisije, Ljiljana Anđelić zamjenik predsjednika Komisije, Rasim Kovač član, Samra Članjak član, Ankica Radić član i Adis Čehić sekretar Komisije.

Sjednici nisu prisustvovali Đenana Čolaković član i Mirza Ganić član Komisije za Program javnih investicija Zeničko-dobojskog kantona.

Sjednici je prisustvovala i Sanela Trbić, Kantonalni koordinator za unos podataka o projektima u PIMIS.

Na prijedlog predsjednice Komisije, Komisija je jednoglasno utvrdila slijedeći dnevni red:

1. Usvajanje Zapisnika sa V sjednice Komisije u 2022. godini,
2. Izvještaj Kantonalnog koordinatora o statusu projekata,
3. Aktivnosti na uzradi PJI Zeničko-dobojskog kantona za 2023-2025. godine,
4. Razno.

Pod prvom tačkom dnevnog reda nije bilo diskusije, tako da je jednoglasno usvojen Zapisnik sa V sjednice Komisije za Program javnih investicija Zeničko-dobojskog kantona u 2022. godini.

Pod drugom tačkom dnevnog reda, članovi Komisije za Program javnih investicija Zeničko-dobojskog kantona su razmatrali Izvještaj Kantonalnog koordinatora o statusu projekata.

Sanela Trbić, Kantonalni koordinator za unos podataka o projektima u PIMIS bazu je detaljno i iscrpno informisala prisutne članove Komisije za Program javnih investicija Zeničko-dobojskog kantona o aktivnostima Kantonalnog koordinatora u vezi stanja zaprimljenih IP obrazaca i evidencijama u ISFU.

Imenovana je upoznala članove Komisije o statusu projekata koji se nalaze u PIMIS bazi i stepenu ažuriranja podataka i statusa ranije unesenih projekata putem IP obrazaca, koje je obavila u dosadašnjem periodu, kao i o planovima za ažuriranje podataka i statusa unesenih projekata, u narednom periodu.

Pod trećom tačkom dnevnog reda - Aktivnosti na izradi PJI Zeničko-dobojskog kantona za 2023-2025. godine, u raspravi u kojoj su učestvovali svi prisutni članovi Komisije za Program javnih investicija Zeničko-dobojskog kantona, konstatovano je da je Nacrt Programa javnih investicija Zeničko-dobojskog kantona za period 2023. - 2025. godine, donesen od strane Vlade Zeničko-dobojskog kantona i da je isti dostavljen Federalnom ministarstvu finansija, dana 06.06.2022. godine.

Članom 29. stav (6) Zakona o budžetima u Federaciji BiH („Službene novine Federacije BiH“, broj: 102/13, 9/14, 13/14, 8/15, 91/15, 102/15, 104/16 i 5/18, 11/19, 99/19 i 25a/22), propisano je: „Kantoni donose svoj program javnih investicija u koji su uključeni i projekti općina i gradova.“

Članom 30. stav (3) Zakona o budžetima u Federaciji BiH, propisano je:

„Kantoni dostavljaju Ministarstvu finansija nacrt svog programa javnih investicija do 1. juna, a program javnih investicija nakon što ga donese vlada kantona do 5. oktobra.“

Članom 2. stav (4) Uredbe o načinu i kriterijima za pripremu, izradu i praćenje realizacije programa javnih investicija ("Službene novine Federacije BiH", broj: 106/14 i 27/19), propisano je da Vlada Kantona, na prijedlog Nadležnog kantonalnog organa, donosi PJI kantona.

Članom 6. stav (3), tačka b) Uredbe o načinu i kriterijima za pripremu, izradu i praćenje realizacije programa javnih investicija ("Službene novine Federacije BiH", broj: 106/14 i 27/19), propisano je da Kantoni, putem Nadležnog kantonalnog organa, dostavljaju do 10. oktobra, a nakon što ga donese vlada kantona, PJI kantona Federalnom ministarstvu finansija.

Ministarstvo finansija Zeničko-dobojskog kantona je Odlukom Vlade Zeničko-dobojskog kantona („Službene novine Zeničko-dobojskog kantona“, broj: 20/19), određeno, kao nadležni kantonalni organ za pripremu Programa javnih investicija Zeničko-dobojskog kantona.

Komisija za Program javnih investicija Zeničko-dobojskog kantona je u skladu sa Kriterijima i principima za ocjenjivanje, ocjenila ukupno 6 projektnih prijedloga predloženih za Programa javnih investicija Zeničko-dobojskog kantona za period 2023.-2025. godine, a koji zadovoljavaju minimalne kvalifikacijske kriterije i za koje je dostavljena relevantna prateća dokumentacija u skladu sa članom 12. Uredbe o načinu i kriterijima za pripremu, izradu i praćenje realizacije Programa javnih investicija.

U skladu sa članom 9. stav (4) i članom 14. stav (3) tačka a) Uredbe o načinu i kriterijima za pripremu, izradu i praćenje realizacije programa javnih investicija, Komisija je nakon održane rasprave jednoglasno utvrdila Prijedlog konačne Rang - liste predloženih investicijskih projekata.

Pod četvrtom tačkom dnevnog reda - Razno, nije bilo rasprave članova Komisije.

Sedma sjednica Komisija održana je dana 19.09.2022. godine u prostorijama Ministarstva finansija Zeničko-dobojskog kantona.

Sjednici su prisustvovali slijedeći članovi Komisije: Nada Delibašić predsjednik Komisije, Ljiljana Anđelić zamjenik predsjednika Komisije, Rasim Kovač član, Samra Članjak član, Ankica Radić član i Adis Čehić sekretar Komisije.

Sjednici nisu prisustvovali Đenana Čolaković član i Mirza Ganić član Komisije za Program javnih investicija Zeničko-dobojskog kantona.

Na prijedlog predsjednice Komisije, Komisija je jednoglasno utvrdila slijedeći dnevni red:

1. Usvajanje Zapisnika sa VI sjednice Komisije u 2022. godini,
2. Prijedlog izvještaja o radu Komisije za Program javnih investicija Zeničko-dobojskog kantona za period I-VI 2022. godine
3. Konačna Rang-lista investicionih projekata za Prijedlog PJI Zeničko-dobojskog kantona za 2023-2025. godine
4. Razno.

Pod prvom tačkom dnevnog reda nije bilo diskusije, tako da je jednoglasno usvojen Zapisnik sa VI sjednice Komisije za Program javnih investicija Zeničko-dobojskog kantona u 2022. godini.

Pod drugom tačkom dnevnog reda, članovi Komisije za Program javnih investicija Zeničko-dobojskog kantona su razmatrali Izvještaj o radu Komisije za Program javnih investicija Zeničko-dobojskog kantona za period I-VI 2022. godine.

Predsjednica Komisije je podsjetila članove Komisije da je Uredbom o načinu i kriterijima za pripremu, izradu i praćenje realizacije programa javnih investicija ("Službene novine Federacije BiH", broj: 106/14 i 27/19), propisano da Kantonalna Komisija izvještava Vladu Kantona o svom radu polugodišnje.

Nakon održane rasprave po ovoj tački dnevnog reda, Komisija je utvrdila tekst Izvještaja Komisije za Programa javnih investicija Zeničko-dobojskog kantona, za period I-VI 2022. godine, te je jednoglasno zaključeno da Komisija za program javnih investicija dostavi Ministarstvu finansija kao Nadležnom kantonalnom organu, Izvještaj o radu Komisije za PJI

Zeničko-dobojskog kantona za period I-VI 2022. godine, kako bi isti bio dostavljen Vladi Zeničko-dobojskog kantona na razmatranje.

Pod trećom tačkom dnevnog reda je razmatran prijedlog konačne Rang-liste investicionih projekata za Prijedlog PJI Zeničko-dobojskog kantona za 2023-2025. godine.

Članom 2. stav (4) Uredbe o načinu i kriterijima za pripremu, izradu i praćenje realizacije programa javnih investicija ("Službene novine Federacije BiH", broj: 106/14 i 27/19), propisano je da Vlada Kantona, na prijedlog Nadležnog kantonalnog organa, donosi PJI kantona.

Članom 6. stav (3), tačka b) Uredbe o načinu i kriterijima za pripremu, izradu i praćenje realizacije programa javnih investicija, propisano je da Kantoni, putem Nadležnog kantonalnog organa, dostavljaju do 10. oktobra, a nakon što ga donese Vlada kantona, PJI kantona Federalnom ministarstvu finansija.

U skladu sa članom 9. stav (4) i članom 14. stav (3) tačka a) Uredbe o načinu i kriterijima za pripremu, izradu i praćenje realizacije programa javnih investicija, Komisija je jednoglasno nakon održane rasprave u kojoj su učestvovali svi prisutni članovi Komisije za Program javnih investicija Zeničko-dobojskog kantona, zaključila da se utvrđeni Prijedlog konačne Rang - liste predloženih investicijskih projekata, dostavi Ministarstvu finansija kao nadležnom kantonalnom organu, sa preporukom za uvrštavanje ocijenjenih projekata u Program javnih investicija Zeničko-dobojskog kantona za period 2023.-2025. godine.

Vlada Zeničko-dobojskog kantona je donijela Program javnih investicija Zeničko-dobojskog kantona za 2023-2025. godine, koji je od strane nadležnog kantonalnog organa, dostavljen Federalnom ministarstvu finansija u propisanom roku, odnosno 30.09.2022. godine

Pod četvrtom tačkom dnevnog reda - Razno, nije bilo rasprave članova Komisije.

Komisija je svoj rad i u ovom izvještajnom periodu, obavljala održavanjem sjednica izvan redovnog radnog vremena, u prostorijama Ministarstva finansija, uz poštivanje svih propisanih higijensko-epidemioloških mjera. Za rad sjednica uvijek je postojao kvorum za donošenje odgovarajućih odluka.

Uredba o načinu i kriterijima za pripremu, izradu i praćenje realizacije Programa javnih investicija („Službene novine FBiH“, broj: 106/14 i 27/19), propisuje proceduru za pripremu Programa javnih investicija kantona, rokove dostavljanja popunjenih i ovjerenih IP obrazaca i Obrazce za ocjenu prijedloga projekata, odgovornost, način i rokove za unos podataka o projektima u PIMIS i dostavljanje ovjerenih IP obrazaca od strane Kantonalnog koordinadora. U skladu sa članom 7. tačka (5), te članom 10. stav (1), (4) i (5) Uredbe, propisano je da podatke o investicionim projektima u PIMIS unosi Kantonalni koordinador ovlašten za unos IP obrazaca i da Kantonalni koordinador Nadležnom kantonalnom organu dostavlja popunjen, od odgovorne osobe potpisan i ovjeren IP obrazac, sa podacima unesenim u PIMIS, te da podaci u IP obrascu dostavljenom Nadležnom kantonalnom organu moraju biti identični podacima unesenim u PIMIS. Nakon unosa, isti se štampaju i u skladu sa ovlaštenjem Kantonalnog koordinadora vraćaju podnosiocima na verifikaciju, te uz IP obrazac Kantonalni koordinador Nadležnom kantonalnom organu dostavlja i Obrazac za ocjenu prijedloga projekta. U skladu sa članom 18. Uredbe, Kantonalni koordinador je obavezan da kvartalne izvještaje putem IP obrazaca unosi u PIMIS, odgovara za potpunost, tačnost i pravovremenost dostavljanja podataka o planu i utrošku sredstava kojima se finansira projekat, a koje bi trebalo da dostavi Nadležnom kantonalnom organu. U skladu sa zadacima iz Uredbe, predviđeno je da Komisija vrši analizu i ocjenjivanje projekata na osnovu Kriterija i principa za ocjenjivanje projekata kandidovanih za PJI iz Obrasca za ocjenu prijedloga projekta, razmatra izvještaj Nadležnog kantonalnog organa o utrošku sredstava kojim se finansiraju projekti čija je realizacija u toku, razmatra izvještaja implementatora za upravljanje projektom iz člana 15. stav (5) i (6) Uredbe o

projektima čija je realizacija u toku i o projektima završenim u tekućoj godini, predlaže mjere za unapređenje planiranja javnih investicija i mjere za povećanje efikasnosti realizacije investicija i obavlja druge poslove od značaja za pripremu PJI Kantona i koordinaciju sredstava za razvoj u Kantonu.

Imajući u vidu nepridržavanje odredbi Uredbe, te vrlo nizak stepen kvaliteta pripremljenih podataka i mali broj projekata koji se dostavljaju Komisiji na razmatranje, Komisija je stava, uzimajući u obzir značaj PJI, da bi u narednom periodu određene mjere značajno doprinijele i povećale efikasnost unapređenja planiranja javnih investicija, i to:

- Insistirati na daljem osiguranju punog poštivanja osnovnih uslova za kandidovanje projekata, unapređenjem kvaliteta projekata i izvještaja koji se dostavljaju Komisiji na razmatranje i odgovornost svih aktera za poštivanje rokova za dostavljanje projekata i izvještaja Komisiji;
- U saradnji sa ekspertom F BiH na projektu „Upravljanje javnim investicijama usmjerenim ka rezultatima: Sistem planiranja i upravljanja javnim investicijama-PIPMS“, koji je upoznat od strane nadležnog kantonalnog organa sa slabostima u pripremi, koordinaciji Kantonalnog koordinatora i podnosilaca prijedloga projekata, a uz podršku Ministarstvom finansija Federacije BiH, omogućiti dalju edukaciju Kantonalnog koordinatora iz člana 5. Uredbe, kao i podnosilaca prijedloga projekata iz člana 11. Uredbe.

U vezi sa naprijed navedenim, Komisija za PJI, je u proteklom periodu, provodila aktivnosti, na preuzimanju ažuriranih podataka u saradnji sa Kantonalnim koordinatorom, odnosno, dostavljenih i popunjenih IP obrazaca i obrazaca za ocjenu prijedloga projekata koji su uneseni u PIMIS, a sve u cilju blagovremene izrade Prijedloga PJI, njegovog usvajanja na Vladi i dostavljanja Federalnom ministarstvu finansija.

Potrebno je napomenuti, da je u izvještajnom periodu, Kantonalni koordinator, u saradnji sa podnosiocima IP obrazaca, provela aktivnosti na ažuriranju PIMIS baze u smislu rješavanja statusa zatečenih unesenih projekata iz ranijeg perioda, i to:

- provjera aktivnih projekata koji se nalaze u PIMIS bazi,
- pogrešno ili duplo unesenih projekata,
- projekata koji nisu ispunjavali uslove iz člana 12. Uredbe i nisu ocjenjivani od strane Komisije, a nalaze se u PIMIS bazi podataka, za koje je sačinjen prijedlog za brisanje, te
- unosu projekata, a prema instrukcijama Federalnog ministarstva finansija, koji su bili u implementaciji, a nisu bili uneseni u PIMIS bazu.

Uredbom o trogodišnjem i godišnjem planiranju rada, monitoringu i izvještavanju u Federaciji Bosne i Hercegovine („Službene novine FBiH“ broj: 74/19), koja je stupila na snagu u oktobru 2019. godine, a primjenjuje se od 01.01.2021. godine, utvrđeno je, da proces trogodišnjeg planiranja rada započinje izradom Smjernica za trogodišnje planiranje koje priprema premijer, usvaja ih Vlada (smjernice za trogodišnje planiranje rada Zeničko-dobojskog kantona za period 2022.-2024. godina usvojene su na Vladi Zaključkom broj: 02-30-2236/21, od 18.02.2021. godine), koje predstavljaju osnovu za izradu trogodišnjih planova rada kantonalnih organa uprave, pri čemu je trogodišnji plan rada implementacioni dokument koji operacionalizira strateške ciljeve, prioritete i mjere iz relevantnih strateških dokumenata, te operacionalizira nadležnosti organa uprave, i predstavlja osnovu za izradu Dokumenta okvirnog budžeta i Programa javnih investicija.

Nada Delibašić, predsjednik Komisije

Ljiljana Anđelić, član Komisije

Rasim Kovač, član

Samra Članjak, član

Ankica Radić, član

Đenana Čolaković, član

Mirza Ganić, član i

Adis Čehić, sekretar Komisije